



DEPUTACIÓN PROVINCIAL
A CORUÑA

SERVIZO DE PATRIMONIO E CONTRATACIÓN

Número 49/2018

CONVENIO DE COLABORACIÓN ENTRE A EXCMA. DEPUTACIÓN PROVINCIAL DA CORUÑA E A CISTERCIENSE ORDE SANTA MARÍA DE SOBRADO DOS MONXES PARA A "REHABILITACIÓN DE PARTE DA CUBERTA DO CLAUSTRO DE PEREGRINOS DO MOSTEIRO DE SANTA MARÍA DE SOBRADO".

Na Coruña, a 13 xullo de 2018 na sede da Deputación Provincial da Coruña.

REUNIDOS

Dunha parte o Excmo Señor D. Valentín González Formoso, como Presidente da Excma. Deputación Provincial da Coruña.

Doutra, Fr. M^º Carlos Gutiérrez Cuatango, DNI núm. 13.730.610-R, prior titular da CISTERCIENSE ORDE SANTA MARÍA DE SOBRADO DOS MONXES con C.I.F R1500016I.

Ambos comparecentes recoñecense mutuamente capacidade, lexitimación e representación suficientes para formalizar o presente convenio de colaboración, e reunidos en presenza do Secretario Provincial.

EXPOÑEN

O mosteiro de Santa María de Sobrado é un ben de interese cultural, foi fundado no ano 952 e dirixido pola orde do Cister dende 1142, a súa estrutura actual é obra de Pedro de Monteagudo (S.XVI) no que destacan as súas dúas torres e unha fachada cunha complicada decoración de puntas de diamante. Ademais dispón dun claustro de peregrinos de notable interese turístico. Dada a excepcionalidade do proxecto, o seu notable valor como patrimonio histórico e o interese da Deputación e da orde do cister do Mosteiro de Santa María de Sobrado para a realización das obras de rehabilitación de parte da cuberta do claustro de peregrinos, para evitar o progresivo deterioro da mesma, e dada a imposibilidade por parte da Orde Cisterciense de asumir o coste das mesmas, ambas partes acordan formalizar o presente convenio co que se executa e financia o 100% da obra por parte da Deputación da Coruña en base as seguintes cláusulas.

CLÁUSULAS

I.- OBXECTO

O presente convenio ten por obxecto establecer as bases de colaboración entre a Deputación da Coruña e a CISTERCIENSE ORDE SANTA MARÍA DE SOBRADO DOS MONXES, para a realización das obras de **REHABILITACIÓN DE PARTE DA CUBERTA DO CLAUSTRO DE PEREGRINOS DO MOSTEIRO DE SANTA MARÍA DE SOBRADO**

A finalidade é mellorar tanto o aspecto exterior e interior así como reparar os problemas que poidan supor o deterioro da cuberta. O presente convenio ten natureza de subvención nominativa en especie.

O mosteiro está situado no **Lugar do Convento 2, 15813, Concello de Sobrado (A CORUÑA)** e o inmovible ten como referencia catastral **002006400NH76F0001WW**

II.- ORZAMENTO DE EXECUCIÓN DAS OBRAS.

O orzamento total da execución das obras.

Presuposto de execución material	43.103,76
Gastos xerais (13%)	5.603,49
Beneficio industrial (6%)	2.586,23
Imposto sobre o valor engadido (21%)	10.771,63
Presuposto de execución por contrata	62.065,11

III.- FINANCIAMENTO.

1. A Deputación da Coruña financiará o orzamento das obras, tal como se define na cláusula anterior, cunha achega máxima de 62.065,11 euros con cargo á aplicación presupuestaria, o que representa unha porcentaxe do 100%. O importe do financiamento provincial farase efectivo con cargo á aplicación orzamentaria

0510/3339/650. Coa firma do presente convenio a CISTERCIENSE ORDE SANTA MARÍA DE SOBRADO DOS MONXES comprométese a financiar toda posible maioración de custos respecto a este orzamento.

2. A Dirección de obra e a coordinación de Seguridade e saúde será realizada por técnicos da Deputación, sendo os coordinadores José Manuel Yáñez Rodríguez e Marina Cabana González.

IV.- CONTRATACIÓN E EXECUCIÓN.

1. A Deputación contratará a execución das obras incluídas no proxecto obxecto de financiación.

2. No procedemento de contratación, a Deputación da Coruña axustarase toda a súa actuación ao disposto na lexislación de contratos do sector público.

V.- POSTA DISPOSICIÓN DO INMOBLE.

A orde do cister do mosteiro de Santa María de Sobrado pon a disposición da Deputación o inmoble a fin de que se poidan executar obras de rehabilitación de parte da cuberta do claustro de peregrinos. Finalizadas as obras, a Deputación poñerá en coñecemento da Orde Cisterciense a acta de recepción das mesmas.

De conformidade co previsto no artigo 31.4 da Lei xeral de Subvencións, deberase achegar unha certificación do Rexistro da Propiedade na que conste que, en virtude da afección legal esixida en dito precepto, estendeuse unha nota marxinal sobre a finca que se describe detalladamente na cláusula primeira, de xeito que a mesma deberá destinarse durante DEZ ANOS á finalidade de edificio destinado ao uso público previsto, contándose dito prazo desde a data que conste na acta de recepción das obras. En caso de incumprimento desta obriga de destino, dito inmoble quedará afecto ao pago do reintegro parcial ou total da subvención concedida, así coma aos xuros de demora que se teñan devengado desde a data de pago da subvención, calquera que sexa o seu posuidor.

VI.- AUTORIZACIÓN.

Faise constar que o proxecto indicado na cláusula primeira conta coa preceptiva licenza de obra do concello, e a autorización da dirección xeral de patrimonio.

VII.- POSTA A DISPOSICIÓN DE INSTALACIÓNS.

A orde cisterciense do mosteiro de Santa María de Sobrado pon a disposición durante un período de cinco anos una sala para que a Deputación poida realizar actividades de tipo cultural durante 15 días cada ano. A posta a disposición das instalacións terá lugar ao día seguinte da firma da acta de recepción das obras.

VIII.- PUBLICIDADE DO FINANCIAMENTO PROVINCIAL.

1. Durante a execución das obras e ata o seu remate e recepción, colocarse un cartel que sexa visible, sen prexuízo doutras indicacións, onde figure o logotipo corporativo da Deputación e o importe da subvención concedida.

2. Rematada a obra, colocarse unha placa en lugar visible na que se deixe constancia da data de inauguración da obra e do financiamento provincial. Deberá respetar a estética e as características do monumento.

IX.- INCORPORACIÓN AO REXISTRO PÚBLICO DE SUBVENCIÓNS E PUBLICACIÓN DA SUBVENCIÓN CONCEDIDA

1. No cumprimento do disposto no artigo 20.1 da Lei 38/2003, xeral de subvencións, e demais normativa de desenvolvemento, os datos da subvención concedida e a identificación da CISTERCIENSE ORDE SANTA MARÍA DE SOBRADO DOS MONXES serán remitidas á Intervención xeral do Estado, para que sexan incorporados á Base de Datos Nacional de Subvencións, coa exclusiva finalidade prevista en dito precepto e co debido respecto á protección dos datos de carácter persoal, segundo o previsto na Lei orgánica 15/1999, de 13 de decembro.

2. Asemade, no cumprimento do disposto no artigo 16.3 da Lei 9/2007, de 13 de xuño, de Subvencións de Galicia, a Deputación remitiralle a mesma información á Consellería de Economía y Facenda, co fin de que a incorpore ao Rexistro público de axudas, subvencións e convenios da Comunidade autónoma de Galicia.

3. Segundo o previsto no artigo 18 da Lei 38/2003, de 17 de novembro, Xeral de subvencións, a concesión da subvención á CISTERCIENSE ORDE SANTA MARÍA DE SOBRADO DOS MONXES será publicada no Boletín Oficial da Provincia da Coruña e na páxina web dacoruna.gal

4. Un exemplar deste convenio, debidamente asinado, será incorporado ao Rexistro de convenios que depende do Servizo de Patrimonio e Contratación da Deputación.

X.- VIXENCIA.

O presente convenio iniciará a súa vixencia o día da súa firma e rematará na data de finalización das obras, e en todo caso o 30 de abril do 2019, prorrogable por causas xustificadas.

XI.- NATURALEZA, INTERPRETACIÓN, MODIFICACIÓN E XURISDICIÓN COMPETENTE

1. O presente convenio ten natureza administrativa e para resolver as dúbidas que xurdan na interpretación das súas cláusulas aplicaranse as disposicións contidas na Lei 38/2003, de 18 de novembro, xeral de Subvencións, e

na Lei 9/2007, de 13 de xuño, de Subvencións de Galicia. Supletoriamente aplicarase a lexislación de contratos do sector público.

2. A interpretación das dúbidas e lagoas que puideran xurdir na aplicación do presente convenio corresponderalle ao presidente da Deputación, despois dos informes preceptivos da unidade xestora, do Servizo de Patrimonio e Contratación, da Secretaría e da Intervención provincial.

3. Corresponderalle aos órganos da xurisdición contencioso-administrativa, segundo a distribución de competencias disposta na Lei 29/1998, do 13 de xullo, reguladora de dita xurisdición, o coñecemento das cuestións litixiosas que poidan xurdir como consecuencia do presente convenio.

Faise constar que o presente convenio foi aprobado por Acordo Plenario do día 29 de xuño de 2018.

E en proba de conformidade, asinan por cuadruplicado exemplar o presente convenio, no lugar e data indicados no encabezamento.

O Presidente da Deputación Provincial
da Coruña

Asdo: D. Valentín González Formoso

O Prior da orde do Cister do mosteiro de
Santa María de Sobrado

Asdo: Fr. M^{re} Carlos Gutiérrez Cuartango

O Secretario Xeral da Deputación Provincial de A Coruña

Asdo.: José Luis Almar Supervía